

元人雜劇全集



元人雜劇全集

第二冊



第一輯

第十八種

金陵盧氏飲虹移輯本
貝葉山房張氏藏版

王實甫雜劇

晚進王生雜劇

高文秀雜劇

中國文學珍本叢書

第一輯 第十八種

中華民國廿五年一月初版

元人雜劇全集 一冊

普及本實價五角
特印本實價七角

編纂者

盧冀野

主編者

施蟄存

發行人

張靜廬

發行所

上海雜誌公司


上海總店：四馬路三二四號

廣州支店：永漢北路三三九號

南京支店：太平路二四八號

開封支店：中山北街三八四號

雲南支店：土主廟街四七號



跋

寶甫名德信大郡人。太和正音譜評其曲如花間美人。鋪敘委婉。深得騷人之趣。極有佳句。若玉環之出浴華清。綠珠之採蓮洛浦。所作計十四種。僅存四丞相高會麗春堂。與西廂記二種。麗春堂見元曲選已集上。鍾嗣成錄鬼簿作四天王歌舞麗春堂。西廂記傳本至多。經徐文長。王伯良。陳眉公。李卓吾。王思任。金聖歎諸家評點。幾失原書面目。茲刊據明閔遇五本。當較可信。貶茶船芙蓉亭習殘帙。姑附及之。前按寶甫生平無考。麗春堂譜金章宗時事。末云齊仰賀。當今聖上。王國維遂疑爲作於金代。蓋寶甫亦由金入元者。諸劇究成於何時。要未敢貿然斷定耳。乙亥秋月。盧前記於柴室。

元劇拾遺二

金陵盧 前校輯

王實甫雜劇殘本二種

蘇小卿月夜貶茶船

【中呂粉蝶兒】這些時浪靜風恬。再不去喚官身題名兒差占。直睡到上紗窗紅日淹淹。從今後管家私學針指畢罷了。花濃酒醺。一會家暗掐春纖。我這里數歸期故人作念。

【醉春風】舊約信難憑。新愁眉帶臉。落紅滿地不鈎簾。把朱扉半掩。掩怕對菱花。照人憔悴。不似我舊時嬌艷。

【迎仙客】靈鵲兒噪綠槐。喜珠兒掛在垂簷。不由我腮斗兒上喜孜孜堆着笑臉。這書寫時節帶着些愁眉。封時節和泪粘。折開封皮仔細觀瞻。我

與你一字字從頭數念。

【石榴花】原來這負心的真個不中粘。想當初啜賺我話兒甜。則好去破
窖中捱風雪。受釐鹽。那時節謹廉。君子謙謙。賁發的赴科場。纔把鰲頭占。
風塵行不待占粘。如今這七香車五花誥無憑驗。到做了脫擔兩頭尖。

【鬪鶻鶻】則有分泪眼愁眉。無福受金花翠鬘。我這里按不住長吁。搵不
乾不乾泪點。誰承望你半路里將人來死拋閃。恩情似水底鹽。到罵我做
路柳牆花。顧不的桃腮杏臉。

【上小樓】也是我那前世里緣。也是我今生少欠。賁發的他應舉求官。獨
步青霄折桂攀蟾。受了些老母嚴。女伴每嗔。何曾心厭兀的可不虧負殺
小卿雙漸。

【么】有一日見了他。我和他便有甚臉。若見俺那負德辜恩短命敲才。敢

喫我會攪打楸搏。見放着海神廟有報應。爺爺靈驗。看你這個負心賊。恁般短監。

【十二月】這廝把鶯花來熱粘。俺娘將才禮錢忙苦。你道是先憂來後喜。我着你有苦無甜。請學士先生吊賺。快疾忙歸去陶潛。

【堯民歌】使了些精銀。夯鈔買人嫌。把這廝剔了髓。挑了筋。剮了肉。不傷廉。我從來針頭線角。不曾拈。我則會付粉施朱。對妝奩。心嚴。財錢信口添。着這廝喫我會開荒劍。

【耍孩兒】俺伴是風流俊俏潘安臉。怎覷那向日頭。權兒的嘴臉。喬趨踰。宜舞一張撇。怎和他送春情。眼角眉尖。我心裏不愛他。心裏愛。止是家菜。不甜野菜甜。覷不的喬鋪苦。看了他村村棒棒。怎和他等等潛潛。

【二煞】你休誇七步才。連敢道三個鹽。九江絕品三江瀲。倚仗你茶多強。

挽爭着買。倚仗着錢多熱死粘。眼見的泥中陷。赤緊的泛茶的客富。更和這愛鈔的娘嚴。

【尾聲】往常時一迷里嫌。到今日都是諂。汝陽齋眼見撇下坑塹。不隄防腦背後將咱這一閃。

王彩雲絲竹芙蓉亭

【點絳脣】天霽雲開。月華精彩。南樓外。行過庭堦。我潛立在湖山側。

【混江龍】今夜箇百無妨碍。洗乾坤風露淨塵埃。冷清清風搖翠竹。白冷冷露滴蒼苔。風力緊寒侵金縷衣。露華涼冰透綉羅鞋。慢移蓮步。欸轉雕欄。簾篩月影。燈晃書齋。又不敢呼名道姓。我則索躡足潛踪。悄聲兒獨立在窗兒外。想着我懷兒中受用。我怕甚末這臉兒上搶白。

【油葫蘆】着我這瘦聳聳香肩將門扇挨。你是猜止不過月明千里故人。

來可交我後園中晚謁文章伯。你不肯秦樓夜訪金釵客。外面兒模樣好。就里最爲事歹。我不比你窮酸餓醋交。君情不放參緊閉。定看書齋。

【天下樂】却做了十謁朱門九不開。書房中好幽哉。不曾有俗客來將舊。幃屏幾扇兒門下擺。戀蝴蝶床榻兒窄。夢梅花紙帳兒矮。秀才呵也是我成人來不自在。

【村重迓古】你休交一時風火燒了。嚼百年恩愛。則爲你衾寒枕冷。咱廝敬重。一家無外。你這般假古撇。驕分粧。裝台孩。可知道死了。杜甫亡了。韓愈。淪殺李白。我道來你可甚賢賢易色。

【元和令】他有那曹子建七步才。還不了龐居士一分債。他那般氣昂昂。胸次捲江淮。你可甚酒量寬似海。則想我夜深私出綉房來。實不不耽着利害。

【上馬嬌】一來是天帝差。二來是緣分該。則你那嚇宋玉。自裁劃待將這無出路巫娥。推在門外。我爲甚來干交我空下楚陽臺。

【遊四門】却正是蒺藜妙上野花開。可不道疑是玉人來。則爲你冷清清難把長更捱。堦下亂蛩哀吟。我特地探多才。

【勝葫蘆】枉交我倚定門兒手托腮。休將那不覩事的話兒揣。小的每天生酒量窄。道的我速速的眼跳。氤氲的耳熱。忽忽的瞭雙腮。

【么篇】你見我兩朵桃花上臉來。則怕你悔後也棟梁才。哎。你箇秉燭顏叔自鑒戒。兀的般月斜風細。更闌人靜。天上巧安排。

【後庭花】你親的論孟白。主婚的唐後策。送女客霜毫筆。守親的是石硯臺。你既怕女裙釵。無心就待。枉將你廝定害。王子高不好色。周瓊姬忒分

外。卓文君他事不諧。

【柳葉兒】呀。哎。你箇漢相如休恠。則要你溫和我浸冷的羅鞋。我羞答答的懶把門程驀。哎。你箇梁山伯不采我祝英臺。羞的我怏怏而來。

【寄生草】你則怕耽煩惱。惹罪責。爲姪兒恐怕尊姑恠。書生不好陰人愛。你莫不一家兒受了康禪戒。量這箇彩雲喫打有何羞。尙兀自文王下馬將荆條拜。

【尾聲】得了首有分斷腸詞。自惹下場無倒斷想思債。這一箇小書舍天寬地窄。又不比對天地說盟山。言誓海。常則是似今夜魚水和諧。謹裁排。我怎肯交信斷音乖。則要你常是臨風戶半開。來日箇一更左側。我則索倚門兒等待。我則等的夫人燒罷夜香來。

跋

白樸字仁甫。號蘭谷。一號太素。真定人。父華。字文舉。金樞密院判。金史有傳。金亡時。樸年始七歲。行輩故較後於關王。元白世爲通家。樸幼育於遺山元氏。遺山嘗贈詩。有元白通家舊。諸郎獨汝賢語。後官禮儀院太卿。贈嘉議大夫。太和正音譜評其曲如鵬搏九霄。又云風骨磊塊。詞源滂沛。推許備至矣。所著曰天籟閣集。至泗上亭長雜劇。今雍熙樂府。亦存一套。以筆墨與樸絕不相似。未敢附入。至梧桐雨與牆頭馬上。俊語如珠。是元曲中所罕觀者。王國維謂樸似詩中劉夢得。詞中蘇東坡。婉約豪放。兩美蓋兼有之矣。盧前校記。